

مطبعه و محل اداره :

جمال اوغلنده امنیت
مندوفی جواوونده
شکول یقوشنده
۲۵ نومبر

مجله تاریخی

سلکمه موافق آثار
جدیده مع الممنونه
قبول اولنور

درج ایله یین آثار اعاده اولنار

دیر ، فلسفه ، علوم ، حقوق ، ادبیات تاریخ ، سیاست ، احوال و شئون اسلامیه و غیره بحث ایررد هفته ده بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۹ یاره در

ابوالعلا زین العابدین - ح . اشرف ادیب
تاریخ تأسیسی

قبرله دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۰۵	۳۰۵
سائر ممالک اجنبیه	۱۷	۹

عدد : ۱۶۱

۱۲ شوال ۱۳۲۹ پنجشنبه ۲۲ ایلول ۱۳۲۷

یدنجی جلد

عمومی اعلان اولوندى . كعبه مكرمه ده بولونان يوزلرجه پوت قيريلوب آتيلدى . اهالى فوج فوج كلوب رسول الله بيعت ايلدى . ومسلمان اولدى .

مكنك فتحندن صوكرا قبائل مشركه بقيه سى (حنين) ده نيلن وادیده طوپلانمايه وعددلىرى يكرمى بيك قدره وارمايه باشلاديني جهته رسول اكرم افنديمز ، ۱۲۰۰۰ عسكرله بونلرك تنكيله عزيمت بويوردى . ابتدا عساكر اسلاميه به هزيمت عارض اولمش ايسه ده اشجع المرسلين افنديمزله معيتلرنده كى بر قاچ فداكارك ثباتى سايه سنده بوزغون عسكر ، كرى دونوب مشركى مجبور فرار ايلدى ، مسلمانلردن ۴ شهيد ، مشركلردن ۷۰ مقتول دوشىدى .

بو محاربه به اشتراك ايدن ثقيلر ، قاجوب طائفه قابانديلر . بالاخره بر قته چيقارمالرى محتمل اولديغندن افنديمز اورايه عزيمتله قلعيني محاصره ايتدى . محصورين ايجريدن اوق آتيور ومحاصريني محروح ومقتول دوشورويوردى . بو اوقلردن اون ايكي صحابي شربت شهادتى ايجدى . اون سكرز كون دوام ايدن محاصره نتيجه سنده قلعنك فتحي ميسر اولماديني جهته تسخيرى زمان موعودينه تعليقاً عودت بويورولدى . [۱]

ذات رسالت ، طائفندن (جمرانه) به مواصلا ايدنجه مال غنائمى اصحاب كرامنه تقسيم ايله يهرك مدينه به دوندى .

هجرتك دوقوزنجى ييلنده شام طرفه يورومك اوزره اوردو ترتيب اولوندى . چونكه قيصر ك امريله روملرك بر اردوسى حاضر لانديني وبوكا متصرف عربلر ده اشتراك ايدهرك مركز اسلامه طوغره كلك عزمنده بولونقلرى ايشيديلمشيدى . هوالر صيحاچ وقوراق كيتديكى جهته مدينه ده قيتلق واردى . يول ايجين آزيق تداركى مشكل اوليوردى . مقتدر اولانلرك اغانه ويرمه سى امر ايديلدى . هر كس سعه حالنه كوره تقدأ ومالاً يارديم ايتدى . اوتوز بيك كيشيك بر قوت طوپلاندى .

بعض منافقلىر بو سفره اشتراك ايتمه ديلر . رسول الله افنديمز ، دينى بوتون مسلمانلرله يوله چيقىدى و (تبوك) موقعنه قدر كلاى . مسلمان اوردوسنك حدود بويلرينه قدر كلوب ميدان او قوماسى روملره دهشت ويردى . يرلردن قيممى ائماديلر . عساكر مسلمين اوراده ايجيه او طوروب بكه دكدن و (ايله) ايله (جربا) و (اذرح) بلده لرى اهاليه سيله مصالحه ايتدكن صوكرا كرى دوندى .

اوننجى سنه هجرتده هر طرفدن ايلچيلر ومبعوثلر كلدى - كه بونلره اهل سير اصطلاحنده (وفود) تعبير اولئور - جزيره العربده اهل اسلامه قارشى طوراجق قيله قالمادى . بوسنه افنديمز ، ۴۰۰۰

[۱] مؤخرأ طائفيلر ، مخصوص آدم كوندرمك صورتيه ذات پيغمبرى به دخالت ايله ديلر وجهه سى ايمانه كلديلر .

كيشيله مكبه عزيمت وفريضه حجي ايفا بويوردى . عرفاتده بليغ وجامع بر خطبه اوقويوب اصحابنه نصيحتلر ويردى . وبوراده بولونلر ايشتكلىرى بولونمايلرله تبليغ ايتسين ديدى . بعدالحج بلده طاهره به عودت ايلدى . مابعدى وار

طاهر المولوى

تراجم احوال :

شيخ عبدالاحد النورى

مشايخ خلوتيه مياننده فضل وعرفان ايله اشتهار ايلين ذوات عاليه دن اولوب (۱۰۱۳) ده سيواسده كهواره زيب عالم شهود اولمشلردر . سن فرقه بعدالوصول مقدمات علومى تحصيله باشلادقلرى ائشاده دايسى معلم ومرشد اكرمى اولان شيخ عبدالحجيدسيواسى حضرتلرى سلطان محمد خان ثالث طرفندن اولونان دعوت هايونه امثالاً استانبوله عزيمتلرنده برابرلرنده الدقلردن تحصيل و تقيضى استانبولده اكمل ايله ديلر .

علوم طاهره و باطنه دن اخذ اجازه به مظهر اوله رق مأموراً لارشاد مدلى به كيدهرك برمدت نشر علم و طريقتله مشغول اولدقدن صوكره (۱۰۳۳) تاريخنده درسمادته جلب اولونه رق محمد اغاتيكه سى مشيخته به نكام اولديلر . بو ائشالرده كى صيت فضل و عرفانلرينه بناء (۱۰۴۱) ده فاتح سلطان محمد خان و (۱۰۵۱) ده سلطان بايزيد خان ثانى حضرتانك جوامع شريفه سنه بعده آياصوفيه جامع شريفنه واعظ تعيين بويورديلر . ايشته بو وجهله وعظ و ارشاد و تاليف ائار ايله اوقاكتكذار ايكن (الشيخ عبدالاحد) تربيله شعرادن فيضى افدينك (كتدى بزم جنته عبدالاحد) وخلفاسندن شيخ نظمى افدينك (عبدالاحد افندى اولسون مقيم جنت) مصراعرلرينك دلالتى اولان (۱۰۶۱) تاريخى صفرينك ايلك جمعه سنده عازم كلشنسراى عقبا اوله رق خارج سورده ايوب نشانچيسنده مرشد مكرملى صاحب تاليفات عديده عبدالحجيدسيواسى حضرتلر- ينك تربته شريفه لرى قربنده وديعه خاك فنا قلنديلر . قدس الله سره العزيز .

علوم باطنه ده وبخصيص علم تعبير رؤياده كى اقتدار مرشدانه لرى مسلم ائام ايدى . اوچ بطنه قدر سلسله نسب عاليلى (شيخ اوحد الدين عبدالاحد النورى ابن مصلح الدين مصطفى صفاني بن اسماعيل بن ابي البركات) اولمق اوزره مضبوطدركه بونلردن پدرلى اولان صفاني افندى زمرة قضاتدن وحضرت عبدالحجيدسيواسى نك جد ايجدى ابوالبركاتك بنيرملرى ، مائقى شارحلردن سيواس مفتيسى اسماعيل افدينك فرزنديدر . والده لرى ده ابوالبركاتك مخدومى محرم افدينك كريمه لريدر .

مؤلفات عارفانه لرینک باشلیجه لری :

- ۱ شرح اربعینیات
- ۲ ریاض الاذکار
- ۳ تأدیب المتعبدین فی اسلام الابوین
- ۴ رساله فی حیوة الخضر والیاس
- ۵ رساله فی توفیق تعارض الآیات
- ۶ رساله مرآة الوجود فی المراتب الکیة والخفرات
- ۷ رساله فی نفع مساعی الاحیاء للاموات
- ۸ رساله فی جواز اداء النوافل بالجماعة
- ۹ رساله فی شرائط استجابة الدعاء
- ۱۰ رساله فی محبة العبد لربه
- ۱۱ رساله فی حقیقة لیلۃ القدر
- ۱۲ رساله فی شروط طلب العلم النافع
- ۱۳ رساله فی اثبات الشعور لاهل القبور
- ۱۴ رساله فی ثبوت طی المکان لاولیاء الامة
- ۱۵ رساله فی جواز دوران الصوفیه باللغة التركية
- ۱۶ رساله ماعرفناک
- ۱۷ شرح کلمات کبیر بن زیاد
- ۱۸ مراتب معرفة الرحمن
- ۱۹ رساله العطریه
- ۲۰ انقاذ الطالبین
- ۲۱ اثبات العلم والشعور
- ۲۲ حجة الوداد
- ۲۳ العدل والاقساط بین التفريط والافراط
- ۲۴ قصم المبتدعین
- ۲۵ درر نورى
- ۲۶ رساله التاج
- ۲۷ اثبات الواجب فی ماهیة الوجود

غزلات عارفانه لرندن :

کنت کنزک سریدر دنیا وعقبادن غرض
اکا مکتب خانه در بو چرخ مینادن غرض
انفس وفاقى رؤیتله کماله عارف اول
معرفندر چونکه مخلوقات بیدادن غرض
بر معمار بو عالم فهم ایدن عارفله
اسم اعظم سریدر چون اول معمار غرض
صوفیا اسماده قالمه کل مساهدر سین آل
بیل مساهدر کوزوم تعلیم اسمادن غرض
قومیادی شغلنى سن مقصد اقصابی کور
چون نتایجدر قو صغرا وکبرادن غرض

قطره سنده نیجه عمان کز لیدر دل بحر ینک
حاصلی در حقیقتدر اودریادن غرض
(نوریا) هیچ غیری مطلب قالمادی عاشقوله
حق جالیدر همین جنات عقبادن غرض

بروسه مبعوثی

محمد طاهر

روضه القراء

— ۲۵ —

ابی بن کعب رضی الله عنه

ابی بن کعب بن قیس الانصاری رضی الله عنک ایکی کنیه لری،
اولوب بری (ابوالمنذر) درکه بو کنیه بی حضرت فخر رسل
اقدمن ویرمشدر و دیکری «ابوالطفیل» درکه بونی ده مخدومی
«طفیل» سبیلله حضرت عمر ویرمشدر. عقبه و بدرده بولنش
اولان اکابر اصحاب رسول الله دندر. سید القراء ومعلم اصحاب
حبیب کبریا ایدیلر. ذات عرفان سمانلری قرآن عظیم الشانی حفظه
موفق اولمشلر ونبی محترم اقدمن حضرتلرینه دیکتمشلردر. ترجمان
القرآن اولان سیدنا ابن عباس حضرتلری دخی حفظلرینی صاحب
ترجمه حضرتلرینه دیکتمشلردر. سید الانام علیه الصلاة والسلام
اقدمن حضرتلری جناب اییه خطاباً : «لم یکن الذین الخ سورہ سنی
سکا اوقیوب دیکتمی ربم بکا امر ایتدی» بیورمش و حضرت
ابی بو التفات عالی اوزرینه وجد وابتهاج ایله بکا ایلمشدر. ذات
ستوده صفاقلری کتبه وحیدن وعصر رسالته قنوالری ظاهر اولان
فقهایی اصحاب کرام دندر. حضرت عمر مشارالیهی «سید المسلمین»
دیو یاد ایدرلردی. صلات تراویح اون درت تاریخنه قدر اولرده
علی الانفراد قیلنور اولدینی حالده شوکت اسلامیه نک او وقتک حالته
اک عظیم اولان روم وایران دولترلرینی لرزناک ایتمکه باشلامش اولدیفنه
تشکراً اوسنه حضرت عمر مسجد شریفده ایقاء قنادیل ایله احیای
سنت ایتمش ومؤطاده مذکور اولدینی اوزره صلات تراویحک جماعتله
اداسیجون بو ذات عالیقدری مأمور ایلمشدر. «اک ایی اوقویانمز
ابیدر. وحکما وقضاجه ماهرمن علیدر» بیوررلر ایدی. «خذوا
القرآن من اربعة من عبدالله مسعود وسالم مولى ابی حذیفه ومعاذ بن
جبل وابی بن کعب» حدیثی بخاری احادیث دندر. سلطان انیسا
علیه اکل التحایا اقدمن حضرتلری جناب اییه خطاباً «یا ابالمنذر !
قرآن کریمک هانکی آتی عظیمدر» دیو بیورنیجه، ابوالمنذر
«یا رسول الله» لاله الا هو الحی القيوم» آیت شریفه سی اعظم آیات
قرآندر، دیملری اوزرینه فخر کائنات علیه الصلاة والسلام اقدمن